

1561 gatum fecisse, qui patriæ legum oblitus, ab officio recesserit. Adjectum, ne illum inviseret, neu alloqueretur, neve quidquam de publicis negotiis communicaret. Idem quoque iis, qui pro Republica legatione Romæ fungerentur, præceptum; statimque Hieronymus Superantius ei a Senatu successor datus est.

*Hieronymus Superantius in Romana legatione Amulio successus.*

*Brixienfium & Cremonensium controversiæ denuo exortæ eisdem arbitris Bolano & Angusciola permittuntur. Bergomatibus fines ob Bre. vii annis controversias a Treviliensibus inuasi.*

In Gallia Cisalpina, quæ superiore anno inter Brixienfes, ac Cremonenses de Ollio amne controversiæ exortæ, ac compositæ fuerant, denuo finitimos populos exercuere; atque ut recrudescentium diffidiõrum seges amputaretur, rursus ad eosdem arbitros res est delata. Dominicus Bolanus, Brixia Episcopus, qui Tridentum profectus fuerat, a Senatu pro eisdem definiendis difficultatibus est evocatus. Angusciolam regii iterum arbitrum dixere. Ab iis, sedula locorum inspectione, ac iurium discussione, re agitata, tandem communi consensu contentioni finis impositus est. Inter Bergomates, & Trevilienses ob Brembum fluvium, qui per illorum fines labitur, majores dissensiones subortæ. Trevilienses haud exigua armorum manu stipati, Brembatum immunitum, apertumque oppidum improvise ingressi, turbatis, exterritisque repentino impetu incolis, multa sæva, atque immania perpetrarunt; prædæ egere; ex oppidanis duodecim captivos Trevilium abductos, in vincula conjecere. Facti atrocitate vehementer commoti Patres, quæ acciderint, Antonio Mazzæ a secretis, qui Mediolani publica negotia obibat, significant. Aterni Marchionem, Insubrum præfectum, adire jubent: gravibus verbis Senatus nomine captivos quamprimum dimitti postulet, neve pacem, quam Respublica cum Philippo inviolate servaret, facinorosorum hominum scelere, atque audacia interturbari, atque labefactari sinat: si quid Trevilienses juris in Brembi amne se habere existiment, causam per arbitros quiete discuti, atque definiri permittant; ni statim pro illatis injuriis factum sit satis, eadem, & graviora ipsos quoque experturos. Ea obnuntiatione effectum est, ut, haud multis post diebus captivis redditis, iudices deligerentur; pro Treviliensibus Danesius Philidonus, Mediolanensis consilii præses; pro Bergomatibus præfectus urbis Julius Gabriellus; qui, controversiarum locis lustratis, cum usque ad mutuas alterca-

*Danesius Philidonus, & Julius Gabriellus ad dissensiones Bergomatium & Treviliensium tollendas electi.*

tiones